

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Kabinet sekretara/Ured tajnika

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Кабинет секретара

Broj: 01-02-3-2048/16
Sarajevo, 20.01.2017.

**ZASTUPNIKU U
PREDSTAVNIČKOM DOMU
PARLAMENTA FEDERACIJE BiH**

U prilogu vam dostavljamo zapisnike 15. vanredne sjednice Predstavničkog doma Parlamenta Federacije BiH, održane 09.11.2016. godine.

v.d. SEKRETARA


Stela Ibrovic

Broj: 01-02-3-2048/16
Sarajevo, 14.11.2016. godine

Z A P I S N I K
15. VANREDNE SJEDNICE PREDSTAVNIČKOG DOMA PARLAMENTA
FEDERACIJE BiH, održane 09.11.2016. godine

Sjednica je počela u 10.30.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH i goste.

Odsustvo sa sjednice opravdali su Ljuban Herceg i Salem Halilović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Prijedlog dnevnog reda zastupnici su dobili uz poziv za sjednicu.

Sa 71 glasom za, uz jedan glas protiv i bez uzdržanih glasova, usvojen je sljedeći:

D N E V N I R E D

1. Informacija Vlade Federacije BiH i Federalnog ministarstva zdravstva o stanju u zdravstvenom sistemu u Federaciji BiH,
2. Informacija Vlade Federacije BiH o postupku prodaje državnog kapitala u Fabrici duhana Sarajevo, statusu radnika, imovine i udjela Fabrike duhana Sarajevo u drugum privrednim društvima Federacije BiH,
3. Stanje u Federalnom zavodu PIO, položaj penzionera u Federaciji BiH i sagledavanje mogućnosti unapređenja statusa sadašnjih i budućih penzionera u Federaciji BiH.

1. Informacija Vlade Federacije BiH i Federalnog ministarstva zdravstva o stanju u zdravstvenom sistemu u Federaciji BiH

Informaciju je dostavila Vlada Federacije BiH.

Uime Vlade Federacije BiH dodatno obrazloženje dao je ministar Vjekoslav Mandić.

Uime Vlade Federacije BiH prezentaciju u vezi sa ovom tačkom dnevnog reda vršio je Goran Čerkez.

Uime Odbora za zdravstvo obrazlagao je Tarik Arapčić.

U raspravi su učestvovali: Elvir Karajbić, Dženan Đonlagić, Mujo Hodžić, diskusiju u pisanoj formi dostavio je Rusmir Mesihović, Faruk Čupina, Anela Šestić-Begović, Oliver Radoš, Damir Mašić, Slavica Josipović, Amra Haračić, Alma Kratina, Jasmina Zubić, Zdravko Kuzman, Mira Ljubijankić, Esad Bašagić, Ibrahim Šišić, Nermin Nikšić, Belma Pojskić, Mahir Mešalić, Dževad Adžem, Zlatko Kravić, te uime Saveza samostalnih sindikata Ismet Bajramović.

Predsjedavajući je dao pauzu do 15.30 i predložio da Odbor za zdravstvo izradi prijedlog zaključaka o ovom pitanju kako bi se o njima mogli izjašnjavati.

Nakon pauze Tarik Arapčić je, u ime Odbora za zdravstvo, pročitao zaključke Odbora.

Klub zastupnika SDP je, također, dostavio tri zaključka u vezi sa ovom tačkom dnevnog reda. Budući da Odbor nije uvrstio ove zaključke, Klub traži da se o njima izjašnjava.

Diskusiju o ovom pitanju imali su: Elvir Karajbić, Ismet Osmanović, Safet Kešo, Munib Jusufović, Jozo Bagarić i Zlatko Kravić.

Predsjedavajući je pozvao zastupnice i zastupnike da se izjasne o zaključcima Odbora za zdravstvo. Dženan Đonlagić je, u ime Kluba zastupnika DF, izrazio sumnju u rezultate glasanja, te, na osnovu pojedinačnog izjašnjavanja, zaključci nisu usvojeni (47 glasova za, bez glasova protiv i 26 uzdržanih glasova).

Zaključci Kluba zastupnika SDP nisu usvojeni (31 glas za, 24 glasa protiv i 16 uzdržanih glasova).

2. Informacija Vlade Federacije BiH o postupku prodaje državnog kapitala u Fabrici duhana Sarajevo, statusu radnika imovine i udjela Fabrike duhana Sarajevo u drugim privrednim društvima Federacije BiH

Informaciju je dostavila Vlada Federacije BiH.

Direktor Agencije za privatizaciju Federacije BiH Amer Bekrić dao je dodatno obrazloženje.

U raspravi su učestvovali: Nermin Nikšić, Nasir Beganović, Dženan Đonlagić, Amra Kunovac, Damir Mašić, Mahir Mešalić i Fadil Novalić.

Klub zastupnika SDP predložio je zaključke u vezi sa ovom tačkom dnevnog reda o kojima su se zastupnici izjašnjavali. Elvir Karajbić izrazio je sumnju u rezultate glasanja, te, na osnovu pojedinačnog izjašnjavanja, zaključci nisu usvojeni (37 glasova za, sedam glasova protiv i 24 uzdržana glasa).

3. Stanje u Federalnom zavodu PIO, položaj penzionera u Federaciji BiH i sagledavanje mogućnosti unapređenja statusa sadašnjih i budućih penzionera u Federaciji BiH

Predsjedavajući je kazao da je Vlada Federacije BiH na svojoj sjednici usvojila zaključak, kojim će u roku 45 dana dostaviti Predstavničkom domu informaciju o stanju u Federalnom zavodu za penzijsko i invalidsko osiguranje, položaju penzionera u Federaciji BiH i sagledavanje mogućnosti unapređenja statusa sadašnjih i budućih penzionera u Federaciji BiH.

U ime Vlade Federacije BiH dodatno obrazloženje dao je ministar Vesko Drljača.

U ime Zavoda za penzijsko-invalidsko osiguranje Federacije BiH obrazlagao je Zijad Krnjić.

U ime Odbora za rad i socijalnu zaštitu govorio je Refik Hankić.

U raspravi su učestvovali: Elvir Karajbić, Dženan Đonlagić, Ismet Osmanović i Damir Mašić.

Predsjedavajući je dao pauzu pet minuta radi kratkih konsultacija sa predsjednicima klubova.

Nakon pauze predsjedavajući je pozvao zastupnike da se izjasne o zaključku.